



XALQ DEPUTATLARI FARG‘ONA TUMANI KENGASHINING Q A R O R I

2025-yil 30-dekabr VII-17-135-11-163-K/25 Farg‘ona tumani

O‘zbekiston Respublikasi Prezidentining 2024-yil 16-dekabrda “Farg‘ona viloyatini ijtimoiy-iqtisodiy rivojlantirish hamda investitsiya va tadbirkorlik muhitini yanada yaxshilash chora-tadbirlari to‘g‘risida”gi PQ-440-sonli qarori ijrosi bo‘yicha tumanda 2025-yilning yanvar-noyabr oylari davomida amalga oshirilgan ishlar yuzasidan tuman hokimi X.Inomovning hisoboti to‘g‘risida

Davlatimiz rahbarining 2024-yil 16-dekabrda “Farg‘ona viloyatini O‘zbekiston Respublikasi Prezidentining 2024-yil 16-dekabrda **PQ-440-sonli qarori** ijrosi doirasida Farg‘ona tumanida ishga solinmagan ichki imkoniyatlardan samarali foydalanish, investitsiya va tadbirkorlik muhitini yaxshilash, infratuzilmani rivojlantirish hamda aholi bandligi va farovonligini oshirishga qaratilgan tizimli chora-tadbirlar amalga oshirildi.

I. Iqtisodiy rivojlanish va bandlik - Joriy yil yakuniga ishsizlik darajasini 4,2 foizga, kambag‘allik darajasini 4,4 foizgacha pasaytirish belgilangan. Yanvar–noyabr oylarida 27 126 nafar aholi bandligi ta‘minlanib, reja 104 foizga bajarildi. “Kambag‘allikdan farovonlik sari” dasturi doirasida 1 860 ta oila kambag‘allikdan chiqarildi.

Makroiqtisodiy ko‘rsatkichlar ijobiy sur‘atlarda o‘tdi:

- sanoat — **109,6%**,
- xizmatlar — **114,1%**,
- chakana savdo — **109,0%**,
- qurilish — **122,0%**.

II. Investitsiya va tadbirkorlik - 2025-yilda umumiy qiymati 207,3 mln dollar bo'lgan 15 ta investitsiya loyihasi amalga oshirilmoqda. 3-chorak yakuniga 89,5 mln dollar xorijiy investitsiya o'zlashtirilib, reja 100,9 foizga bajarildi. Tadbirkorlik dasturlari doirasida 3 290 nafartalabgorga 134,5 mlrd so'm kredit mablag'lari ajratildi.

III. Tajriba loyihalari va ish o'rinlari - "Sayxunobod", "Zarbdor" va "G'ijduvon" tajribalari asosida:

- **5 800 dan ortiq** yangi ish o'rinlari yaratildi,
- qiymati **120 mlrd so'mdan ziyod** bo'lgan loyihalar ishga tushirildi.

IV. Qurilish va infratuzilma - 7 ta og'ir mahallada 21 mlrd so'm mablag'lar hisobidan:

- sug'orish, elektr, yo'l va internet infratuzilmasi yaxshilandi,
- **16,6 km** ichki yo'l asfaltlandi,
- **749 ta xonadon** ichimlik suvi bilan ta'minlandi,
- **16 ta** ko'p qavatli uy foydalanishga topshirildi.

V. Ijtimoiy soha - 422 nafar nogironligi bo'lgan shaxs bandligi ta'minlandi,

- maktabgacha ta'lim qamrovi — **87,1 foiz**,
- **9 mingdan ortiq** xotin-qiz kasb-hunar va bandlikka jalb etildi,
- tibbiyot muassasalari **6,6 mlrd so'mlik** zamonaviy jihozlar bilan ta'minlandi.

Amalga oshirilgan chora-tadbirlar Farg'ona tumanida barqaror iqtisodiy o'sishni ta'minlab, aholi bandligi, investitsiya faolligi va ijtimoiy infratuzilmaning izchil rivojlanishiga xizmat qildi. PQ-440-sonli qaror ijrosi hududda ijobiy ijtimoiy-iqtisodiy o'zgarishlar uchun mustahkam zamin yaratdi.

"O'zbekiston Respublikasi Prezidentining 2024-yil 16-dekabrdagi "Farg'ona viloyatini ijtimoiy-iqtisodiy rivojlantirish hamda investitsiya va tadbirkorlik muhitini yanada yaxshilash chora-tadbirlari to'g'risida"gi PQ-440-sonli qarori ijrosi bo'yicha tumanda 2025-yilning yanvar-noyabr oylari davomida amalga oshirilgan ishlar yuzasidan tuman hokimi X.Inomovning hisoboti to'g'risida"gi tuman hokimi hisobotini eshitib va yuqoridagilarni inobatga olib, O'zbekiston Respublikasi "Mahalliy davlat hokimiyati to'g'risida"gi Qonunning 6, 25-moddalariga muvofiq Xalq deputatlari Farg'ona tumani Kengashi

QAROR QILADI:

1. "O'zbekiston Respublikasi Prezidentining 2024-yil 16-dekabrdagi "Farg'ona viloyatini ijtimoiy-iqtisodiy rivojlantirish hamda investitsiya va tadbirkorlik muhitini yanada yaxshilash chora-tadbirlari to'g'risida"gi PQ-440-sonli qarori ijrosi bo'yicha tumanda 2025-yilning yanvar-noyabr oylari davomida amalga oshirilgan ishlar yuzasidan tuman hokimi X.Inomovning hisoboti to'g'risida"gi hisoboti ma'lumot uchun qabul qilinsin.

2. Farg‘ona tumani hokimining o‘rinbosarlariga:

tumanni ijtimoiy-iqtisodiy rivojlanishida “mahallalar yettiligi” faoliyatini samarali yo‘lga qo‘yilishini ta‘minlash va nazoratni kuchaytirish;

“mahalla yettiligi” vakillari ishtirokida aholi bilan doimiy muloqotlarni tashkil etib borish;

“mahalla yettiligi” bilan birgalikda “Saxovat va ko‘mak”, “Ayollar daftari” va “Yoshlar daftari” ro‘yxatida turgan fuqarolarning muammolarini o‘z vaqtida hal etish choralarini ko‘rish;

fuqarolardan kelib tushgan murojaatlarni o‘z vaqtida o‘rganib chiqish, aniqlangan muammolarni qonuniy hal etish choralarini ko‘rish;

3. Farg‘ona tumani hokimining birinchi o‘rinbosariga:

tuman hududida “Sayxunobod”, “Uychi”, “G‘ijduvon”, “Zarbdor” tajribalari doirasida tegishli ishlarni amalga oshirilishini jadallashtirish va samaradorligini oshirish, aholi tomonidan tomorqa va uy xo‘jaliklardagi imkoniyatlarni to‘liq ishga solish orqali daromadlarini oshirish, aholi bandligini ta‘minlash va kambag‘allikni qisqartirish bo‘yicha aniq chora-tadbirlarni o‘tkazilishini ta‘minlash;

aholi muammolarini samarali hal etish, ma‘naviy muhitni saqlash, ma‘naviy-ma‘rifiy chora-tadbirlarni amalga oshirish;

hokim yordamchisi, yoshlar yetakchisi, xotin-qizlar faoli, profilaktika inspektori, soliq inspektori va ijtimoiy xodimning o‘z vazifalarini bajarishda hamkorligini ta‘minlash hamda hamkorlikni ta‘minlash bo‘yicha jamoatchilik nazoratini amalga oshirish maqsadida mahalla raislarini mas‘ul etib belgilash;

aholini moddiy va ijtimoiy qo‘llab-quvvatlash ishlarini tashkil etish, kambag‘al oilalarga ajratilayotgan byudjet va boshqa mablag‘larni maqsadli va manzilli yo‘naltirish va bu borada nazoratni kuchaytirish;

ishsiz fuqarolarning bandligini ta‘minlash, kredit ajratish masalalarida fuqarolarni har tomonlama qo‘llab-quvvatlash, mahallalarda bandligi ta‘minlanmagan yoshlar va xotin-qizlarni oilaviy va xususiy tadbirkorlikka, hunarmandchilikka jalb etish orqali bandligini ta‘minlash choralarini ko‘rish; aholini tomorqadan unumli foydalanish, oilaviy tadbirkorlik, kichik sanoat va xizmatlarni yo‘lga qo‘yish orqali, aholini daromadli qilish choralarini ko‘rishga;

4. Farg‘ona tumani hokimi o‘rinbosari I.Toshpo‘latovga:

aholini moddiy va ijtimoiy qo‘llab-quvvatlash ishlarini tashkil etish, kambag‘al oilalarga ajratilayotgan byudjet va boshqa mablag‘larni maqsadli va manzilli yo‘naltirish va bu borada nazoratni kuchaytirish;

qarovsiz, nazoratsiz qolgan voyaga yetmaganlarning ijtimoiy-huquqiy himoyasini ta‘minlash;

sog‘lom ijtimoiy-ma‘naviy muhitni saqlash, milliy qadriyatlar, urf odatlar va an‘analarni targ‘ib qilish, ma‘naviy-ma‘rifiy chora-tadbirlarni ishlab chiqish va amalga oshirish;

mahallalarda yoshlar bilan ishlash tizimini yanada mustahkamlash maqsadida mas‘ullar bilan birgalikda ma‘naviy-ma‘rifiy tadbirlar va sport musobaqalarini o‘tkazilishini ta‘minlash vazifalari yuklatilsin.

5. Farg‘ona tumani hokimining o‘rinbosari M.Qodirxonovga:

“Yashil makon” umummilliy harakati doirasida o‘tkaziladigan tadbirlarga fuqarolarni keng jalb qilish orqali atrof-muhit tozaligi hamda ekologik madaniyatni shakllantirish bo‘yicha olib borilayotgan ishlar samaradorligini oshirish choralari ko‘rish vazifalari topshirilsin.

6. “O‘zbekiston Respublikasi Prezidentining 2024-yil 16-dekabrdagi “Farg‘ona viloyatini ijtimoiy-iqtisodiy rivojlantirish hamda investitsiya va tadbirkorlik muhitini yanada yaxshilash chora-tadbirlari to‘g‘risida”gi PQ-440-sonli qarori ijrosi doirasida Farg‘ona tumanida 2025-yil yakuni bo‘yicha amalga oshirilgan ishlar yuzasidan tuman hokimining **barcha o‘rinbosarlari sohalar kesimida hisobot berish** vazifasi yuklatilsin.

7. Mazkur qaror bajarilishini nazorat qilish xalq deputatlari tuman Kengashining doimiy komissiyalari zimmasiga yuklatilsin

Kengash raisi



**INOMOV
XAMIDULLO
TADJIYEVICH**